

Transkript sa konferencije za medije međunarodnih organizacija

*OHR, Oleg Milišić
OSCE, Emira Bayrasli
EUPM, Zinaida Ilaria
ICMP, Doune Porter
EUFOR, Frank Cockburn
NATO, Derek Chappell*

OHR

Visoki predstavnik sutra u Srebrenici

Visoki predstavnik, Paddy Ashdown, će sutra posjetiti Srebrenicu gdje će prisustvovati specijalnom sastanku Fondacije Memorijalnog centra i mezarja Srebrenica-Potočari, koji će se održati pet dana prije ceremonije obilježavanja desete godišnjice od genocida počinjenog u Srebrenici.

Između ostalih tačaka dnevnog reda na ovom sastanku će se prezentirati izvještaj o aktivnostima vezanim za komemoraciju Srebreničke tragedije.

Visoki predstavnik je ranije predsjedavao Fondacijom Memorijalnog centra i mezarja Srebrenica-Potočari sve dok gospodin Beriz Belkić nije preuzeo tu funkciju. Fondacija je vlasnik Memorijalnog centra u Potočarima, a visoki predstavnik je nastavio biti član njenog Odbora.

Sutra poslijepodne će u Srebrenici visoki predstavnik govoriti na otvaranju tvornice auto dijelova CIMOS. Ovo je ključna investicija slovenske tvrke TMD Ai i vijesnik je tako potrebnih radnih mesta na području Srebrenice. Otvorenju će

također prisustvovati član Predsjedništva BiH, Sulejman Tihić i slovenski ambasador u BiH, Tadej Labernik.

Mjesečni ekonomski izvještaj

Usporedne statistike za mjesec april koje su napravljene u Centralnoj banci BiH, Zavodu za statistiku BiH, Federacije BiH i Republike Srpske, i Berzama u Sarajevu i Banja Luci, su sada dostupne, te primjerak možete dobiti na kraju konferencije za novinare. Dozvolite mi samo da izdvojam najvažnije.

Trgovinski balans KM u aprilu je bio pozitivan. Za 82 miliona KM je bilo više strane valute razmijenjeno u KM. Ovo je bilo dovoljno da se nadoknadi prethodni negativni balans, te čak preostane dodatnih 44 miliona KM u rezervama Centralne banke.

Sarajevska berza je također izvjestila o uspjehu u aprilu – vrijednost prometa povećala se za preko 14 procenata u poređenju sa martovskim izvještajem. Nasuprot tome, vrijednost prometa banjalučke berze je imala manje uspješan mjesec sa padom za od 81.6 procenata u aprilu. Ovi rezultati podvlače nepredvidivost ova dva tržišta, te njihovu ekstremnu nepostojanost što je i ranije primjećeno.

Cifre trgovine BiH pokazuju i dalje kontinuirani rast izvoza za mjesec april. Ovo zadržava pozitivni trend koji je počeo početkom 2004. godine. Međutim, treba napomenuti da je uvoz također zadržao stabilnu stopu porasta, no ipak nešto nižu od stope izvoza.

Broj nezaposlenih u Federaciji BiH je visok i očito statičan. Iz Republike Srpske nema mjesečnih izvještaja o nezaposlenosti.

Nije bilo izjava.

EUPM

“Podizanje svijesti o radu i odgovornostima glasnogovornika policije” i “Načini poboljšanja rada i efikasnosti glasnogovornika policije” će biti glavne teme razgovora više od 30 glasnogovornika iz svih dijelova BiH, tokom sastanka koji organizira Policijska misija Evropske unije (EUPM) u četvrtak i petak (7-8 juli) u Sarajevu.

Učesnici će također razgovarati o budućim aktivnostima u vezi sa pitanjima kao što su: *Povećanje zainteresiranosti građana za rad policije, Pridobijanje podrške građana za rad policije, Dobijanje odgovora građana na kvalitet usluga, Provođenje aktivnosti u cilju upoznavanja javnosti sa načinima funkcionisanja policije, itd.*

Sposobnost da se efikasno komunicira sa građanima je ključna za uspješnu reformu policijskih snaga u BiH. Dobar odnos između policije i javnosti je veoma značajan za uspjeh policijskih aktivnosti. EUPM već dvije godine radi sa agencijama za provedbu zakona na razvijanju ovog aspekta policijskog posla. S tim u vezi, serija radionica i seminara, koje su osmišljene u partnerstvu sa lokalnim vlastima, biće održane do kraja 2005. godine. EUPM će nastaviti da podržava ovakve inicijative.

ICMP

Dobro jutro ispred Međunarodne komisije za nestale osobe. Prezentirat ću vam dvije kratke informacije.

Ovo je zadnja konferencija za medije međunarodnih organizacija uoči desete godišnjice pada Srebrenice u julu 1995. godine. Konačni broj žrtava koje će biti ukopane tokom ceremonije 11.

jula u Potočarima je 583. Ovaj broj obuhvata jednu osobu iz Srebrenice koja je ubijena 1994. i jednu koja je ubijena u maju 1995. godine. Porodice su zahtijevale da ove dvije osobe budu ukopane u Potočarima 11. jula i Fondacija Potočari je prihvatile njihov zahtjev.

Danas će posljednja 233 tijela za ukop biti prebačena iz ICMP-ovog Projekta za identifikacije "Podrinje" u Tuzli u Gradska groblja Visoko gdje će ih pripremiti za sahranu. Ukupan broj žrtava iz Srebrenice koje je do sada identifikovao ICMP je 2079.

Broj identifikacija u ICMP-ovom Projektu za identifikacije "Podrinje", koji radi na slučajevima iz Srebrenice, se uveliko povećao ove godine, dijelom zbog napornog rada osoblja ICMP-a kako bi se identifikovalo što je moguće više žrtava za ukop u ovom veoma značajnom mjesecu, a dijelom jer smo počeli sa zatvaranjem slučajeva gdje tijela nisu sasvim kompletna.

U ovoj godini smo do danas izvršili identifikaciju više od 400 srebreničkih žrtava. Za usporedbu, u prošloj godini smo identificirali ukupno 523 srebreničke žrtve.

Timovi ICMP-a su upravo završili putovanje po Švicarskoj tokom kojeg su sakupljali uzorke krvi od članova porodica u cilju identifikacije njihovih nestalih srodnika. Od petka 1. jula do nedjelje 3. jula naši timovi su prikupili skoro 400 uzoraka krvi. Većina ovih uzoraka u vezi su sa nestalim osobama iz Bosne i Hercegovine, a nešto manje od 30 uzoraka je vezano za Kosovo.

Većina slučajeva su novi slučajevi – što znači da se radi o osobama za koje do sada nijedan član porodice nije dao uzorak krvi, stoga se nadamo da ćemo uskoro dobiti podudarnosti u našoj bazi DNK podataka i za te nestale osobe.

Na kraju, naravno, želim ovim putem da podsjetim sve članove porodica nestalih da je izuzetno važno da daju uzorak svoje krvi kako bismo putem DNK identifikacije pronašli njihove

najmilije.

EUFOR

Nema prevoda.

NATO

Nije bilo izjava.

RTQs

Novinar #1:

Pitanje za EUFOR i EUPM: Da li znate nešto o eksplozivnoj napravi koja je, navodno, pronađena u Potočarima, i šta se učinilo po tom pitanju, te u kojoj je fazi trenutno?

EUFOR:

EUFOR će dati kratku izjavu: Sinoć je EUFOR primio određene informacije da postoji mogućnost da se neki eksplosivni materijali nalaze u blizini memorijalnog centra u Srebrenici. EUFOR je odmah proslijedio te informacije MUP-u Republike Srpske i EUPM-u, koji u ovom trenutku poduzimaju dalje korake. Hvala vam.

EUPM:

Što se tiče EUPM-a, mogu vam reći da smo, naravno, svjesni situacije i da se naši ljudi nalaze na mjestu događaja. Mi smo u stalnom kontaktu sa lokalnom policijom, međutim u ovom trenutku, iz očiglednog razloga da je istraga još u toku, nismo u mogućnosti da vam pružimo više informacija. Ali, vi svakako možete stupiti u kontakt sa glasnogovornikom MUP-a

Republike Srpske kako biste dobili više informacija, a on se trenutno, prema mojim saznanjima, nalazi na mjestu događaja.

Novinar #2:

Da li vas zabrinjava ova situacija, s obzirom da se ceremonija treba održati za šest dana i da se očekuje da će prisustvovati pedeset hiljada ljudi, a nađeni su eksplozivi?

EUFOR:

U ovom trenutku ne rasploažemo sa dovoljno informacija, te ne bi bilo prikladno da špekuliramo.

Novinar #2:

Da li imate ikakve detalje? Potvrđeno nam je da su pronađene eksplozivne naprave na dvije lokacije unutar centra, pa to ipak nije špekulacija.

OHR:

Mislim da ste zapravo čuli da se informacije još uvijek prikupljaju, pa s obzirom na to, u ovom trenutku nije moguće dalje komentarisati.

Novinar #2:

Da li je zabrinjavajuće ili nije zabrinjavajuće?

OHR:

Dakle, siguran sam da možete očekivati dalji komentar malo kasnije.